

畿輔通志卷二百六十二

列傳七十 列女十八

國朝十二
邱故城

阜城

肅甯

任

國朝

阜城縣

祁爾謨妾張氏年二十五王氏年二十一生子之溥張氏年十九生子之灝爾謨卒後三人同心守節崇禎末值歲荒流離艱苦紡績教子時稱一門三節有司旌其門

縣志

吳進義妻孫氏年三十五夫亡家赤貧或勸之嫁剪髮誓志姑病兩載奉侍湯藥無情容教子茂林入泮有司表其門

葛文顯妻張氏年十六夫亡孝事翁姑守節三十年其孫之或婦尹氏年二十一夫亡撫遺腹子培成立次孫之彪婦趙氏年二十六夫亡撫子均並姪成立均守節終身

俱同上

王廷棟妻彭氏崇禎末廷棟殉難氏覓尸營葬奉孀姑撫孤

守節至九十七歲卒康熙四十五年旌

大清一統志兼採縣志

杜作仁妻李氏年二十夫亡家貧撫孤守節孝事翁姑甘旨

無缺養葬盡禮

府志

李應第妻李氏幼讀書識大義年二十四夫亡家貧歲歉紡

績養姑甘旨無缺及歿事死如生教子秉鈞入泮

尹端妻楊氏年十七于歸逾歲夫亡孝養舅姑撫遺腹子捷

升成立迎養父母守五十年

監生路清妻傅氏年二十八夫亡撫孤守節奉八旬老姑孝

養備至

王加惠妻張氏年二十二夫亡家貧事姑養葬盡禮子顯早

世撫二孫成立守節四十餘年

俱同上

祁炳妻耿氏年二十二夫亡姑老子幼仰事俯育勤苦守節

卒年四十有四

縣志

王國興妻謝氏年二十夫亡子幼母憐其少屬鄰婦勸他適

婦曰姑將誰事子將誰託平時聞孤雁問其父曰雁失其偶

可再配乎父爲之泣知不可奪從其志守節四十餘年

府志兼採

縣志

伊昌印妻盧氏年二十一夫亡紡績養親撫孤成立後生孫

八人世族蕃衍咸以爲節孝之報壽八十有六無疾而終

縣志

伊錫妻于氏年二十夫亡撫遺腹子女守節勤苦不輟姑有

二男五女氏皆撫成立

林選妻袁氏年十八于歸數月夫亡矢志孝事舅姑撫姪姪

垣爲嗣家產與宗族共之鄉人尤高其義以完節終

葛泓妻段氏年二十夫亡事親撫孤守節六十餘年宗黨賢之

王紘妻王氏早寡家貧紡績養親撫孤守節六十餘年

多叔藩妻范氏夫亡以姪鳳岐爲嗣娶媳鄧氏亦早寡矢志紡績自給時稱一門雙節

寇珍妻王氏年二十夫亡撫遺腹子世卿成立性好施族黨婚葬皆力任之立義學以訓族子成名者眾壽登八十而終

俱同上

孫魁麟妻趙氏年十九夫亡無子撫姪毓奇爲嗣娶婦李氏年三十二夫亡姑媳矢志各以壽終稱爲雙節

府志

林漳繼妻閻氏年二十一夫亡矢志靡他撫前室子如已出年四十一卒學使吳旌其門

生員葛本植母段氏年二十夫亡本植猶在襁褓鞠養教誨迄於成立壽至八十而終

王澍之曾祖母周氏夫早亡崇禎十三年值歲荒撫孤守節
歷險不渝娶婦柳氏未三年夫亡遺子宏孝事孀姑紡績守
節宏登明經澍亦入泮邑令王表其門

楊大受妻馬氏夫早亡無子矢志守節孝事翁姑養葬盡禮
持家勤儉年五十六卒

宋鑰妻王氏年二十七夫亡孝事翁姑養葬盡禮撫子女成
立以完節終

劉夢獬妻沈氏年二十五值崇禎十六年城陷翁劉允中殉
難拆棟爲棺以殮未逾月夫亡茹苦守節撫孤子璵瑜相繼
入泮有司旌其門

庠生周之适妻祁氏夫於崇禎十六年殉難氏年二十四撫

孤守節三十年

俱同上

李元浩妻孫氏少通詩書乾隆中元浩歿於京氏夜夢其夫驚寤走訪之果死號痛欲絕歸葬廬墓側其女弟適吳某孀居已老強之歸同居鍼紉自給終其身

府志

庠生劉起華妻李氏年二十八夫亡茹苦紡績撫子廷選守

節四十五年卒

縣志

李景森妻曹氏夫亡矢志奉親養葬盡禮訓子有方持家勤

儉守節五十餘年

採訪冊

路東岱妻趙氏夫亡家貧奉親養葬盡禮紡績守節終身

潘奎元女大姐弟幼母老矢志不字紡織教弟里人欽其貞孝爭欲聘之女聞而投繯者再竟以孺慕終身

學博寇瑞周女字七姐生有夙慧幼許字李某子李子殤女
年十一未知至十四父母重與議婚女由是不食不語家人
解之終不聽越數日竟死面色如生時咸豐辛酉十月十五
日也李感其節請於寇迎柩與子合葬焉張祖繼寇處女殉節詩寇家女兒年十四甘心求死難奪志莫道妾身未分明當年一諾豈兒戲聘珠曾繫紅羅襦嫁殤漫比曹倉舒魂魄兩小無嫌猜縱化鴛鴦也是雛嗚呼河間寇女姐身關風化可以死
不聞與宋謝文節名成十四小女子俱同上

庠生多中規妻及氏嘉慶十一年旌

武舉丁瑞峯妻梁氏劉發身妻李氏劉企純妻張氏李九苞
妻于氏李九恒妻史氏武生李九疇妻王氏王連三妻王氏
以上七人俱同治六年旌多秉義妻高氏同治九年旌陳天學妻余氏米如琦

妻吳氏姬可長妻史氏周宏緒妻聞氏陳俊妻伊氏常有才
妻趙氏丁光全妻趙氏李昌齡妻褚氏吳希孔妻祁氏以上九人

俱已旌任天倫妻王氏周紹宗妻袁氏常吉妻袁氏庠生多宏

仁妻王氏王文煥妻蘇氏張君股妻宋氏趙文明妻劉氏祁

掄升妻劉氏陳恂妻伊氏劉聲宏妻倪氏薛東白妻楊氏英

垣繼母劉氏妻趙氏俱夫卒庠生沈錫疇妻戚氏年十五梁

金堂妻白氏年十八陳文華妻車氏早寡丁玉潔妻王氏年十

七守高明遠妻高氏年十九庠生鄭會文妻趙氏年二十庠

生李登甲妻李氏年二十厲會閣妻人氏年二十守節俱採訪冊

肅甯縣

宋氏五烈女父爲莊頭隸於旗其主視若奴僕然生女四人

女孫一人皆長有姿容其主悅焉將並召之侍已以語宋且

迫之入五女義不辱一夕皆自縊死明日邑令王在驗知其

故爲之悼痛然壓於勢未得上達葬而題其碣曰宋五烈女

之墓康熙乙亥年事

府志

河間于大崑過宋氏五女墓詩

又古樹啼怪禽天荒日慘秋黯黯詫此荆榛繁官路云是宋氏五女墓當時一門值凶否生死存亡須臾耳覩顏取隣恥不爲五女雉經同日死我聞此女靈然傷巾幘乃能扶綱常馮翁常樂李貓笑瀛海豈無冠與裳吁嗟噫嘻勿復道百川西下任濶倒奈何世人逞筆花不寫薛濤卽蘇小邑人于如俞弔五烈女詩慷慨深閨志且同貞魂應在碧雲中投厓女子偏聯袂領籍夫人不入宮泉下關將青塚草路邊攜得白楊風天孫遠在銀河外五緯光芒耀太空田斌弔五烈女詩富貴浮雲眼底無使君空意趙羅敷撒環不特嬰兒子合塚偏多女丈夫慷慨雉經仁各志從容玉碎義同扶莫悲颯颯秋風冷泉路還欣娣姪呼田密弔五烈女詩甘河西繞古郵亭五女墳頭草色青枯木淒涼悲夜月斷碑零落歎晨星闔中駢首風斯烈泉下同遊路且冥最是杜鵑聲裏血年年寒食不堪聽縣志

楊國棟妻鄭氏鄰惡馬懷珍覘夫外出乘夜逼姦氏呼罵不

從被殺死有司上其事置懷珍於法康熙四十六年旌

大清一

統志兼
探府志

朱富有妻張氏弟萬有妻石氏妯娌和睦孝事翁姑張年二

十二夫亡撫子朝用成立石年二十三夫亡子朝用兼祧娶

婦許氏生二子早寡矢志同守時稱一門三節

府志兼採縣志

朱百量妻鄭氏少貞慧通書史年十七于歸事姑張氏以孝

著姑歿撫夫弟成立視姪輩若已出性慈惠子闕以名進士

令夏縣迎養官署教子孫皆以義方壽七十有九以無疾終

嘉魚尹祝朱太孺人傳略孺人姓鄭氏瀛中望族父獻鸞庠生孺人甫五歲而孤母史氏撫幼子閉門課讀合孺人附學幼儀內則諸書能通曉大義尤嫻女工年十七歸封公朱百量先生其時姑張太孺人患病不起已數年矣孺人性婉順依依牀褥間雖溽暑沍寒遣之不去及歿遺幼叔甫數齡孺人撫之飲食寢興晝夜慎密惟恐負姑遺命且貽翁戚也先是結褵時服飾弗備舅給膏壤數十畝爲私畜辭弗受仍置諸公家有薄田數百畝應供館粥封公性豪邁雅好投轄賓常滿座上兼以食指浩繁家且中落孺人以絢紉屏當每佐封公所不逮略無交謫聲家計雖窘益延師訓課不輟修脯膏火諸費輒解佩脫簪應之初伯嫂病篤囑撫其弱女孺人流涕應命鞠摩無異所生族有老嫗貧病且孤孺人餽薪米無虛日既死市棺葬之婢捧盂忽墜地或請答之孺人曰盂已破矣答之何益平生不喜佞佛茹素而存心愛物卽一禽

一并不輒傷子三闕成進士令夏縣迎養官署常以清白慈惠爲訓邑有犯法受杖而斃者孺人聞之怒謂閹曰汝殺人乎何忍心至此閹泣跪請罪乃已邑民掘疏鑛事發孺人恐其法當得重罪閹曰可寬也乃色霽曰百姓皆好兒女汝愛百姓當如吾愛汝輩也生平冬不爐夏不扇卽隨子仕宦依然寒素家風指諸孫戒子云做官當爲子孫地忽一日命家人曰當爲我謀後事衆以爲母尙健無慮此尋晨呼茗甫一啜而頭暈越一日家人環侍聽命端坐瞑目而逝壽七十有

九
縣志

許邦孝妻史氏年二十五夫亡無子紡績自給或以節婦難諷之厲色曰吾甯爲其難者訖不復接其人壽七十七而終

府志

馬中繼妻趙氏年二十三夫亡饑寒困踣不靡其志守節五十年

趙爾璧妻樊氏年二十六夫亡翁姑繼歿撫夫弟爾璽成立以姪爲嗣守節五十餘年邑令黃表其門

郭聚英妻張氏性貞慧通書史年二十六夫亡子甫六齡族某利其產逼使改志堅志不從課子入泮守節四十餘年

馬懷敬妻王氏年十九夫亡姑諷他適以死自誓撫孤守節三十餘年

劉慶先妻趙氏年二十二夫亡亦貧無子紡績不懈守節六十年

庠生金世法妻趙氏早寡孝事孀姑堅苦守節三十二年太守李表其門

許爾臣妻駱氏家赤貧夫死不能殮翁姑繼歿氏號於市得柳棺瘞焉攜幼子乞食或憫其苦以他適諷之氏正色曰乞食之羞不勝於再醮耶卒守節困窮以死

俱同上

劉時祚妻周氏早寡茹苦矢志翁歿出紉績資殮之撫子成

立壽八十一而終

府志兼採縣志

趙繼海妻王氏年二十夫亡無子貧無立錫地或諷他適則怒斥之苦守六十二年卒

拔貢生沈廷佐妻祁氏早寡子士奇方髫髻朝夕督課得以入泮守節四十餘年

貢生衣綬龍妻李氏年二十三夫亡姑老病侍湯藥數年無倦色撫子孫成立壽七十有三觀察黃表其閭

王文蔚妻汪氏早寡孝事翁姑并及叔姑守節六十餘年撫

子秉忠成立觀察黃表其門

俱同上

寶重光繼妻張氏重光卒於官旅橐蕭然氏年十九攜子扶

櫬歸里營葬紡績自給守節四十餘年

縣志

趙維藩妻李氏年二十七夫亡孝事翁姑子三早世翁姑繼

歿堅苦撫孫成立壽至九十有二卒

府志兼
採縣志

裴煜妻張氏年二十六夫亡翁姑老病養葬盡禮撫子成立
守節四十餘年邑令侃表其門

劉元龍妻楊氏于歸未週歲而寡孝事翁姑撫姪瑤中武舉
守節八十七歲卒邑令黃表其門

朱濤妻劉氏年二十五夫亡家貧子幼恆並日而食紡績自
勤矢志彌篤守節四十餘年

田衷豫妻翟氏于歸次歲而寡遺腹生子茹苦數十年撫之
成立入庠氏歎曰吾今可以對泉下人矣尋卒

俱同上

朱如川妻崔氏獻縣人年十九夫亡無子姑欲嫁之矢死不

從姑怒逐之歸母家復時往定省無怨悔苦節終身

獻縣
續志

任奉乾妻李氏夫歿於外翁姑貧老紡績以供甘旨掘野蔬

與二子食之翁姑壽皆近百五世一堂壽八十有二卒邑令

侃以區旌之

縣志

王大用妻張氏年十六于歸未三月而寡事翁姑撫繼子孝

慈兩盡性好善樂施守節五十餘年雍正五年旌

雍正志兼採府志

傳之玉女忙姐年十四取蔬於圃爲鄰惡馬遇昌逼姦不從

被殺雍正五年旌

同上

孫捷昌妻頓氏年十八夫亡撫遺孤卓成立入太學娶婦師

氏生一子亦二十一歲寡姑媳堅矢志頓守節四十八年師

守節三十年卒邑令黃表其門

府志兼採縣志

衣化龍妻閻氏早寡勵志撫嗣成立晝操作夜紡績無少暇

逸守節三十餘年

于之牧妻蘇氏夫亡無子矢志養姑撫姪珣爲嗣課之入泮

學使表其門

高祐妻張氏祐久客不歸或傳已死氏朝夕悲思矢志貞守五十餘年

張國柱妻楊氏年二十二夫亡翁姑繼逝氏經紀三喪盡禮撫孤成立守節五十餘年

監生苗文遠妻郭氏年二十四夫亡家貧或諷他適氏曰吾不卽殉者以姑老子幼也奈何復作無恥耶守節三十年學使表其門

俱同上

苗華女幼貞介年十七許字馬生一日以事過舅家止之宿老婢阿那伴之工人袁守福乘夜持刀入室欲污之女罵不從與老婢皆被殺其三母聞之與老僕張光良奔救亦被殺

乾隆三年旌

邑人朱闕苗烈女傳論略烈女苗氏庠生苗維臣之孫女也性貞慧寡言笑尤精於女紅年十

七字同邑儒家子馬生十歸有期矣父謂女曰汝外祖母老
且病當省視且依以刺繡無曠也命老姬邢氏伴之王姓宅
有凶僕袁守福者瞞女姿乘月攜利刃排闥入欲逼汚女呼
罵徹中庭邢驚起斥福福刃之女外祖母陳氏奔救又起立
斃傭工張光良聞叫號聲急持械入福復砍之不中又折復
取莖刀文解之呼女曰尚不從乎女罵益厲欲觸牀死遂慘
殺之遍體無完膚時戊午六月十八日也越日始殮面目凜
凜如生時有司上其事

詔旌其門為建坊祀褻福

屍以慰貞魂時人過其墓者多悲歎歌詠以志其事于大

崑題苗烈女墓詩正氣塞天地秉為丈夫節丈夫不獨當巾

幘風斯烈昔弔五女墓英風歎奇絕藐茲一彈丸復出閨中

傑卓哉苗氏女禦暴剛且決皓月鑑清心飛霜點碧血其頭

可以斷其體可以截其堅不可磨其白不可涅泰華竦其秀

冰雪昭其潔盛朝表幽光芳俎兼綽楔敢竊正氣吟拜手

為題碣談有典詠苗烈女詩矚然甘玉碎弱女子尤奇雪

及青燐集冰心皓月知那悲連理塚應拜露筋祠長樂瀛中
老徒慚領下髭朱榮芳苗烈女詩閨房弱息倍堪奇貞靜
何會計險夷鋒刃頻揮魂且斷冰霜益凜志難移傷心一旦
辭親舍灑淚千秋弔女祠小院只今明月夜青燐三
兩若相隨邑人李錦囊撰苗烈女墓碑記縣志

庠生武德馨妻齊氏早寡守節孝姑撫子孫成立卒年八十

餘邑合旌其門

府志兼
採縣志